

玉機微義卷之三十四

頭痛門

○論厥頭痛真頭痛

靈樞云。厥頭痛。取足六經。手少陰。真頭痛。頭痛甚。腦

盡痛。手足寒至節死。不治。

詳見厥病篇

難經云。手三陽之脉受風寒伏留而不去。則名厥頭

痛。入連在腦者。名真頭痛。

按靈樞有厥頭痛之名。而不指何邪為病。至難經

始言風寒伏留不去。而三因嚴氏論云。氣血俱虛。

風寒暑濕之氣所侵。傳於陽經。伏留不去。名曰厥

頭痛。蓋厥者逆也。逆壅而衝於頭也。痛引腦巔陷。

至泥丸宮者。名真頭痛。非藥之能愈。乃發且死。且發夕死。責根氣先絕也。斯言得之矣。

○頭痛脈法

內經云。寸口脈中短者。曰頭痛。

脈經云。陽弦則頭痛。又云。寸口脈浮。中風發熱頭痛。

脈緊頭痛。是傷寒。脈緊上寸口者。風頭痛。

脈訣云。頭痛短瀋。應瀆死。浮滑風痰。皆易除。

○傷寒頭痛

活人書云。頭痛者。陽證也。太陽證。頭痛發熱惡寒。無汗。麻黃湯。有汗。桂枝湯。若已發汗。未發汗。頭痛如破者。連鬚葱白湯。不止者。葛根葱白湯。陽明證。頭痛不

惡寒反惡熱胃實也。調胃承氣湯。少陽頭痛小柴胡湯。太陰少陰並無頭痛之證。仲景只有厥陰一證。吳茱萸湯。

按傷寒以足三陽經上行至頭。并厥陰與督脉會于巔。故止言四經頭痛。若雜病所感者。諸經皆能頭痛也。活人用葱白湯以通上下之陽氣也。

○諸經內外頭痛用藥法

大陽頭痛惡風寒川芎○少陽頭痛往來寒熱脉弦柴胡○陽明頭痛自汗發熱惡熱白芷○太陰頭痛體重痰實腹痛半夏○少陰頭痛三陰三陽經不流行而足寒逆爲寒厥頭痛細辛○厥陰頭痛項痛脉

微浮緩欲入太陽其疾痊然亦當用川芎

寶鑑作藁一本一作吳

茱萸

○氣虛頭痛黃芪○血虛頭痛當歸

寶鑑作川芎下同

○

諸氣血俱虛頭痛黃芪當歸○傷寒太陽頭痛麻黃

湯桂枝湯○陽明頭痛白虎湯○少陽頭痛柴胡湯

○太陰頭痛脉浮桂枝湯脉沉理中湯○少陰頭痛

脉沉微熱麻黃附子細辛湯○厥陰頭痛外傷本經

桂枝麻黃各半湯○嘔而微吐水吳茱萸湯

按此與後論重出者衆然中間藥味略有不同故

兩存之

○東垣頭痛論

金匱真言論云東風生於春病在肝俞在頭項故春

氣者病在頭。又諸陽會於頭面。如足大陽之脉病。衝
頭痛。足少陽之脉病。頭角頷痛。夫風從上受之。風寒
傷上邪。從外入客於經絡。令人振寒頭痛。身重惡寒。
治在風池。風府。調其陰陽。不足則補。有餘則瀉。汗之
則愈。此傷寒頭痛也。頭痛耳鳴。九竅不利者。腸胃之
所生。乃氣虛頭痛也。心煩頭痛者。病在膈中。過在手
巨陽少陰。乃濕熱頭痛也。如氣上不下。頭痛巔疾者。
下虛上實也。過在足少陰巨陽。甚則入腎。寒濕頭痛
也。如頭半寒痛者。先取手少陽陽明。後取足少陽陽
明。此偏頭痛也。有真頭痛者。甚則腦盡痛。手足寒至
節者死。不治。有厥逆頭痛者。所犯大寒。內至骨髓。

者以腦爲主。腦逆故令頭痛。齒亦痛。凡頭痛者木也。風則溫也。治以辛涼。秋尅春之意。故頭痛皆以風藥治之者。總其大體而言之。高巔之上。惟風可到。故味之薄者。陰中之陽。乃自地升天者也。然亦有三陰三陽之異。故太陽頭痛。脉浮緊。惡風寒。川芎羌活獨活麻黃之類爲主。少陽經頭痛。脉弦細。往來寒熱。柴胡爲主。陽明頭痛。身熱日晡。鼻乾惡寒發熱。惡熱。其脉浮緩而長。升麻葛根。或石膏白芷爲主。太陰頭痛。必有痰。體重。或腹痛。爲痰癖。其脉沉緩。蒼朮半夏南星爲主。少陰經頭痛。三陰三陽經不流行。而足寒氣逆。爲寒厥。其脉沉細。麻黃附子細辛湯爲主。厥陰頭痛。

項痛或痰吐涎沫厥冷其脉浮緩吳茱萸湯主之諸
血虛頭痛當歸川芎為主諸氣虛頭痛人參黃芪爲
主爲主者主治也兼見何證以佐使藥治之此立方
之大法也氣血俱虛頭痛者於調中益氣湯中少加
川芎蔓荊子細辛其效如神半夏白朮天麻湯治痰
厥頭痛藥也青空膏乃風濕熱頭痛藥也羌活附子
湯厥逆頭痛藥也如濕氣在頭者以苦吐之不可執
方而治

按此論頭痛至爲詳悉首言傷寒內傷頭痛壅引
內經以明濕熱寒濕偏頭痛真頭痛厥逆頭痛等
證細分六經用藥之法後世無以加矣

○論三陽受病頭痛

子和云。頭痛不止。乃三陽受病也。三陽分部分。頭與
項痛者。足太陽經也。攢竹痛。俗呼爲眉虎骨痛者。是
也。額角上痛。俗呼爲偏頭痛者。足少陰經也。如痛入
不已。則令人喪目。以三陽受病。皆胸膈有宿痰之致。
然也。先以茶調散吐之。吐訖。可服川芎薄荷辛涼清
上之藥。叔和云。寸脉急而頭痛。是也。

按此云頭痛。乃三陽受病。皆胸膈有痰之致。乃指
病之壅鬱於上而言也。內經云。春氣者。病在頭。蓋
天氣在上。知病氣亦升於上也。吐之所以宜。達在
上之邪。仲景云。大法春宜吐是也。此亦治頭痛之

一法但不可專執於此

○論頭痛屬火熱之病

子和云。丹陽僧病頭熱痛不散。見明以布圍其巔上。置水於其中。日易數次。戴人曰。此三陽畜熱故也。乃置炭火於煖室中。出汗涌吐三法併行。七日而愈。

一婦人偏頭痛五七年。大便結燥。兩目赤腫。駭運世之頭風藥無不服。其頭上針艾數千百矣。一日戴人診其脉急數而有力。風熱之甚也。此頭角痛。是三焦相火之經。乃陽明燥金勝也。燥金勝肝。則肝氣鬱。肝氣鬱則氣血壅。氣血壅則上下不通。故燥結於裏。尋至失明。治以大承氣湯。令河水煎二兩。加芒硝一

兩煎成。頓令分三五服。下泄如湯二十餘行。次服七
宣丸神功丸以潤之。菠稜葵菜猪羊血以滑之。三劑
之外。目豁首輕。燥澤結釋而愈。

按此所治之疾。既已多年不解。豈非風濕熱三氣
鬱滯膠固而然哉。故其所施之法。雖峻而於中病
之情則得也。又論頭風之甚者。久則目昏。偏頭風
者。少陽相火也。久則目束。小大便秘澀。皆宜出血
而大下之。出血之義。是即開鬱解表也。

謹按頭痛之證。其原甚多。東垣之論。可謂詳矣。然
自外而致者。有風寒暑濕之異。若仲景之傷寒。東
垣分六經之類。皆是也。自內而致者。有氣血痰飲

五臟氣鬱之異。東垣論氣虛血虛痰厥頭痛之類
皆是也。大抵四淫皆外邪。隨其風寒濕熱多少而
治於外也。氣血痰飲五臟之證皆內邪。亦宜隨其
血氣痰飲七情內火。分虛實寒熱而調其內以治
於外也。然氣血虛而用補宜東垣之論。若三因等
方用附子以治氣虛。此則從陽虛立意。非人身平
和之血氣也。若夫久年偏正頭風者。多因內挾痰
涎。風火鬱遏經絡。氣血壅滯之證。然亦有血虛者。
真宜分別以治之。

頭痛治法

○治風之劑

局方川芎茶調散。治諸風上攻。偏正頭疼。方見傷風門

秘藏澈清膏

川芎

薄荷葉各三分

藁本錢一

甘草生半錢

炙甘草半錢

蔓荊子

細辛各一分

右為末。每二錢茶清下食後

按此手足少陽厥陰太陽少陰經藥也

元戎方治三陽頭痛

羌活

防風

荊芥

升麻

葛根

白芷

石膏

柴胡

川芎

芍藥

細辛

葱白

連鬚

若陰證頭痛。只用溫中藥足矣。如理中姜附輩此

則專治三陽頭痛也

○治風寒之劑

仲景麻黃湯。治太陽傷寒頭痛無汗

桂枝湯。治太陽傷風頭痛有汗

二方並見傷寒門

局方如聖餅子。治風寒伏留陽經氣厥痰飲頭痛

防風

天麻 各半兩

南星

乾姜

川芎

甘草 炙各一兩

半夏 半兩

川烏 去皮一兩

右細末蒸餅糊丸。捻作餅子。每五餅同荆芥穗細

嚼茶清下

按此足三陽經藥也

秘藏羌活附子湯。治冬月大寒犯腦。令人腦痛。齒亦

痛名曰腦風

麻黃節不去

黑附子

防風

白芷

白殭蠶

黃柏各二分

羌活

蒼朮各半錢

升麻二分

黃芪一分

甘草一分

佛耳草三分無寒嗽去之

右咬咀水煎服

按此手足太陽陽明太陰經藥也

寶鑑川芎神功散治風熱上攻偏正頭痛

川芎

川烏

白芷

南星

麻黃各半兩

甘草一分

右為末每服三錢姜水煎服

按此手是少陽厥陰手陽明太陰經藥也

三因芎辛湯。治傷風寒生冷。及氣虛痰厥頭疼如破。

兼眩暈嘔吐

附子

去皮臍生用

烏頭

生

天南星

乾姜

甘草

炙

川芎

細辛

各等分

右剉散。每四錢。姜五片。茶芽少許煎服。

按此足少陽經藥也

嚴氏小芎辛湯。治風寒在腦。或感邪濕。頭重頭疼眩

暈嘔吐

川芎

一兩

細辛

白朮

甘草

炙各半錢

右咬咀。每四錢。生姜五片。茶芽少許煎服。

局方加感三五七散。治風寒入腦。陽虛頭痛。

山茱萸去核三片

細辛一斤半

乾姜炮三斤

防風片四

附子三十五隻炮去皮臍

茯苓去皮二斤

右為末。每一錢。溫酒調下。

按已上二方。亦足少陰經藥也。

○治風熱之劑

秘藏清空膏。治偏頭疼。年深不愈者。及瘰癧風濕熱頭

痛。上壅損目。

羌活

防風各一兩

柴胡七錢

川芎五錢

甘草炙一兩半

黃連炒一兩

細挺子黃芩二兩一分半酒洗一分半炒

右為末。每服二錢。七熱茶調。如膏抄在口內。少用
白湯送下。○如苦頭痛。加細辛分二。○如大陰脈緩
有痰。減去羌活。防風。川芎。甘草。加半夏一兩。○如
偏頭痛。服之不愈。減羌活。防風。川芎。一半。加柴胡
一倍。○如陽明頭痛。只與白虎湯中加白芷。
按此足三陽經藥也。

川芎散。治頭目不清利。

川芎

三分

羌活

防風

藜蘆

升麻

甘草

各一錢

柴胡

七分

黃芩

炒四錢半

黃連

四錢半酒洗

生地黄

二錢

右為末。每服一二錢。茶清調下。

按此亦三陽經藥也

細辛散。治偏正頭疼

細辛 二分

川芎 七分

柴胡 二錢

黃芩 二錢 一牛酒 洗一半炒

瓦礫粉 二錢

炙甘草 半錢

黃連 七分

芍藥 半錢

右咬咀每服三錢煎服

按此少陽少陰太陰經藥也

寶鑑石膏散。治頭疼

川芎

石膏

白芷 等分

右為末。每服四錢。熱茶清調下

按此陽明少陽經藥也。已上東垣治風熱頭痛諸

方多不同者。以其有臟腑經絡之異也。今不詳載其方。然有用羌活。防風。川芎。柴胡。升麻。藁本。細辛之異者。行各經也。有用黃芩。黃連。黃柏。知母。石膏。生地黃之異者。分各臟瀉火也。用澤瀉。茯苓者。導濕也。又使邪氣自天而降也。用黃芪者。補氣行氣也。各隨病而增損之。意不可拘執也。

○治濕之劑

三因芎朮湯。治濕著頭重。眩暈痛極。

川芎

白朮

附子

生去皮尖
各半兩

桂心

甘草

各一分

右改阻每服四錢。姜七片。棗一枚。同煎。食前服。

按此足少陰經藥也。治寒濕之藥。有熱者不治。

○痰厥頭痛之劑

秘藏半夏白朮天麻湯。治素有脾胃之證。時顯煩燥。大便不利。又出入為寒氣所鬱。悶亂大作。火鬱不伸。故也。醫疑有熱。風丸下之。元證不減。復添嘔逆。食不能停。痰唾稠粘。瀉出不止。眼澁頭旋。惡心煩悶。氣短促。上喘無氣力。目不敢開。如在風雲中。頭苦痛如裂。身重如山。四肢厥冷。是胃氣已損。復下兩次。重虛脾胃。病名曰痰厥頭痛。

半夏一錢

白朮

炒麴各一錢

天麻

黃芪

人參

蒼朮

陳皮

澤瀉

茯苓

各半錢

大麥麩

一錢半

乾姜

二分

黃栢二分

此頭痛苦甚。為足太陰痰厥頭痛。非半夏不能療。

目黑頭旋。風虛內作。非天麻不能除。詳見試效方

家珍水煮金花丸。治頭痛每發時。兩頰青黃。眩暈。目

不欲開。懶欲言語。身重兀兀欲吐。數日方過。此厥

陰太陰合而為病。名曰風痰。服此藥更灸俠谿二

穴。不旬日愈。

局方玉壺丸。加雄黃白朮。以治風濕。

按此出太陰嘔噦例。治風痰之藥也。

巖氏三生丸。治痰厥頭痛。

半夏

白附子

南星

各一分

右為細末。生薑自然汁浸蒸餅為丸。菉豆大。每服四十九。食後薑湯下。

按此藥出厥陰。南星半夏例亦治風痰。樂也。

寶鑑茯苓半芩湯。治風熱痰逆。嘔吐頭痛。

大半芩

三枚

赤茯苓

黃芩

甘草

陳皮

各一分

右剉薑三片煎。

按此手足太陰經藥。治痰挾熱之藥也。其治痰挾寒之藥。與治風寒之劑相類者。采之。

○補氣之劑

寶鑑順氣和中湯。治年高氣弱。清氣不能上升。頭面

昏悶。本無表邪。因發汗。數四。清陽之氣愈虛。故苦
頭痛。惡風。不喜飲食。氣短。脈弱。弦細而微。宜升陽氣。

黃芪一錢半

人參一錢

白朮

陳皮

當歸

白芍藥五分

甘草七分

升麻

柴胡各三分

川芎

細辛

蔓荊子各二分

右剉作一服。水煎。食後服。

按此即補中益氣湯加減法也。內傷頭痛。本方加

蔓荊子三分。痛甚加川芎二分。項痛腦痛加藜木

三分。若苦頭痛者。加細辛二分。諸頭痛併用此四

味足矣。若頭上有熱。則此不能治。當以清空之劑。

○補血之劑

機要四物湯治頭疼

四物湯中倍川芎

元戎古方治頭痛欲裂

當歸二兩酒一升
煮取六合

按此二方並出厥陰例藥也

○搗藥

本事方治八般頭風

草烏尖

細辛等分

黃丹少許

右為末每用少許搗入鼻中立効

秘方治頭痛不可忍

玄胡七枚

猪牙皂角肥實者
二箇

青黛二錢

右爲末。水丸。成小餅子。如杏仁大。用時令病者仰臥。以水化開。用管送入。男左女右。鼻中覺藥至。喉少酸。令病者坐。却令咬定銅錢一箇於當門齒。當見涎出。成盒即愈。

三因方搐鼻藥

華撥

良姜

各一分

白芷

一錢

細辛

半錢

右爲末。每服一小字。匕含水一口。分搐鼻內。吐水即止。

秘藏搐鼻鬱金散。治風熱頭痛

石膏

芒硝

白芷

各二錢

鬱金

一錢

薄荷

三分

右爲末。極細口含水。鼻內搐之。

按此陽明經藥也

太陽經嚏藥

防風二分

羌活三分

紅豆二箇

右爲末。鼻內搐之。

元戎搐藥瓜蒂散。治偏頭痛久不愈。服藥及針灸不効者。以其濕氣在頭也。

瓜蒂一味爲末。少許吹鼻中。清水徐徐出一晝夜。濕盡病止爲度。

按此已上搐藥。元戎云亦吐之義也。經云濕氣在上。以苦吐之。故邪在胸中服之。邪在頭目搐之。皆吐之屬也。張子和點日出泪。搐鼻流涕。口含漉涎。

皆以同乎吐也

○貼藥

前本事方。或三因藥為末和葱白搗泥為膏貼

兩額上

○雜方

嚴氏葱附丸。治元氣虛壅上攻頭痛。

附子

一隻炮
去皮臍

右為末葱涎為丸。桐子大空心茶清下。

玉真丸。治腎厥頭痛不可忍。其脉舉之則弦。按之則堅。

生硫黃

二兩
別研

石膏

硬者

半夏

湯洗
七次

銷石

另研各
一兩

意居天... 脈西... 凡相... 大每

按頭痛... 人多從風... 論中亦詳... 茲不詳載

涼平... 大抵皆於解散之中... 分所挾之

寒... 論中亦詳... 茲不詳載

但內... 厥氣虛血虛... 頭痛之類... 東垣雖有論有

方... 學者亦宜隨病審機... 而用藥亦難拘於所錄之

方... 以盡其變也... 又嚴氏治氣虛頭痛... 用附子治腎

厥頭痛... 用硫黃等藥... 本出三因之論... 其義皆未切

... 滿其說耳

玉機微義卷之三十五

頭眩明

○論頭眩屬肝虛

內經云。狗蒙招尤。目瞑耳聾。下實上虛。過在足少陽厥陰。甚則入肝。

按許學士云。上虛者。肝虛也。故肝虛則頭暈狗蒙者。如以物蒙其首。招搖不定。目瞑耳聾。皆暈之狀也。故肝厥頭暈。治宜鈎藤散。方見後

○論眩暈屬肝木風火之證

原病式曰。諸風掉眩。皆屬肝木。風主動故也。所謂風氣甚而頭目眩暈者。由風木旺。必是金衰。不能制木。

而木復生火。風火皆屬陽。陽主乎動。兩動相搏。則爲之旋轉。故火本動也。焰得風。則自然旋轉也。

○論傷寒頭眩屬虛

成無已云。傷寒頭眩。責其虛也。起則頭眩。與眩冒者。皆發汗吐下後所致。是知陽虛也。故針經曰。上虛則眩。然風家亦多有眩者。風主動。故爾。

○論眩暈分內外所因等證

嚴用和云。眩暈之證。經雖云皆屬於肝。風上攻所致。然體虛之人。外感六淫。內傷七情。皆能眩暈。當以脈證別之。風則脈浮有汗。項強不仁。寒則脈緊無汗。筋攣掣痛。暑則脈虛煩悶。濕則脈細沉重。吐逆及其七

情所感。遂使臟氣不平。鬱而生涎。結而為飲。隨氣上逆。令人眩暈。眉稜骨痛。眼不可開。寸脈多沉。此為異耳。若疲勞過度。下虛上實。金瘡吐血。衄便利。及婦人崩傷。產後去血過多。皆令人眩暈。當隨其所因而治之。按此所分四氣。痰飲亡血等證。可謂親切。但其所集之方。則欠發明。學者當自求之。

○論頭風眩暈有飲宜吐

子和云。大風頭風眩暈。手足麻痺。胃脘發痛。皆風寒濕三氣雜至。合而為痺也。在上謂之停飲。可用獨聖散吐之。吐訖後服清上辛涼之藥。

按此法施於胸膈痰涎閉塞。多年眩暈不已。血氣

充實之人。其效甚捷。

謹按眩暈一證。人皆稱爲上盛下虛。所致。而不明言其所以然之故。蓋所謂虛者。血與氣也。所謂實者。痰涎風火也。原病之由。有氣虛者。乃清氣不能上升。或汗多亡陽而致。當升陽補氣。有血虛者。乃因亡血過多。陽無所附而然。當益陰補血。此皆不足之證也。有因痰涎鬱遏者。宜開痰導鬱。重則吐下。有因風火所動者。宜清上降火。若因外感而得者。嚴氏雖分四氣之異。皆當散邪爲主。此皆有餘之證也。世有所謂氣不歸元。而用丹藥鎮墜沉香降氣之法。蓋香竄散氣。丹藥助火。其不歸之氣。豈

能因此而復耶。內經所謂治病必求其本。氣之不歸。求其本而用藥則善矣。

頭眩治法

○治風之劑

本事川芎散治風眩頭運

山茱萸兩一

山藥

甘菊花

人參

茯神

小川芎各半兩

右為末每服二錢酒調下

按此名治風眩而用藥帶補肝之意若因風而頭眩者分其所挾寒熱而用辛溫辛涼之劑可也若因肝虛而病者此藥雖近理亦難執此而用

○治風寒之劑

嚴氏三五七散。治陽虛風寒入腦頭痛目眩耳鳴

天雄炮去皮

細辛各三兩

乾姜炮

山茱萸各五兩

防風

山藥炒各七兩

右為末。每服二錢。溫酒調下

按此治上焦陽虛發散風寒之藥也。若果有風寒所傷而頭眩者。但用辛溫辛熱之劑解散可也。何必拘此

○治濕之劑

嚴氏芎朮湯。治冒雨中濕眩暈嘔逆頭重不食

川芎

半夏

白朮各兩

甘草炙半兩

右咬咀。每服四錢。姜七片煎。

按此和中散濕之藥也。亦可治痰。

○治熱之劑

子和芎黃湯。治頭目眩暈。

大黃

荆芥

貫芎

防風

各等分

右爲粗末。大作劑料。水煎去滓服。以利爲度。

按此瀉上焦風熱之藥也。若果有風熱頭眩。如防

風通聖之類。皆可選揀而用。

○治痰之劑

嚴氏玉液湯。治七情感動。氣鬱生涎。隨氣上逆。頭目

眩暈。心嘈忪悸。肩稜骨痛。

大半芨 湯洗七次

右每服四錢水煎。生姜十片煎入沉香。水一呷。溫服。風痰眩暈者。宜青州白丸子選用。

直指二陳湯。治因氣鬱痰眩運。

二陳加乾生姜煎服。

按此二方去痰和中之平劑。是太陰陽明經藥也。若痰氣甚者。如吐下之法。皆可施。自宜隨證而用。去痰和中。瑞竹堂化痰丸亦妙。方見效門

○治血虛頭眩之劑

嚴氏芎藭湯。治一切失血過多。眩暈不甦。

芎藭

當歸 酒浸各等分

右咬咀。每服四錢。水煎服。

良方治風六合湯。治風虛眩暈。

四物湯加秦艽羌活

詳見中風門。

按已上三方。皆補血和血之藥。並出厥陰例。然芎歸補血之陽。而四物則陰陽俱補。秦艽羌活可為佐使。不宜等分而用。

○治氣虛頭眩之劑

直指香橘飲。治氣虛眩暈。

木香

白朮

半夏麴

橘皮

白茯苓

砂仁各半兩

丁香

甘草

炙各一分

右剉每服三錢。姜五片煎吞。蘇合香丸本方加芎

歸各三分。官桂半兩。治血虛眩暈。

按直指方云。滯慾過度。腎家不能納氣。歸元。使諸氣逆奔而上。此眩暈出於氣虛也。吐衄崩漏。肝家不能收攝榮氣。使諸血失道妄行。此眩暈生於血虛也。夫既曰腎家不能納氣。使氣奔上。而用此香散辛熱之藥。此藥果能降氣乎。又曰氣虛。此藥果能補氣乎。又曰血虛。加芎歸。官桂。夫血虛用芎歸。則可矣。所加官桂。與丁香木香等藥。縱使血有虛寒。亦難例用。若血虛有熱者。其害將何如哉。孟子所謂盡信書。則不如無書者。正此類也。

○治下虛頭眩之劑

局方黑錫丹。治陰陽不升降。上盛下差。頭目眩暈。養正丹。治虛風頭旋吐涎不已。此藥升降陰陽。

右二方並見局方。以乳香泡湯送下。

順氣散。治體虛痰盛氣不順。頭目眩暈。

南星 一兩 炮

川烏

附子 各半 兩

木香 二錢 半

右每服三錢。姜十片煎。

嚴氏沉香磁石丸。治上盛下虛。頭目眩暈。耳鳴耳聾。

沉香 半兩 別研

磁石 火煨醋淬 七次研

胡蘆巴 炒

川巴戟 去心

陽起石 煨

附子 炮

椒紅 炒

山茱萸肉

山藥 炒各 一兩

青蓋 另研

甘菊花

蔓荊子 各半 兩

右爲細末。酒煮米糊九。梧子大。每七十九。空心。鹽湯下。

按以上諸方。皆是溫熱金石鎮墜之藥。雖能補下焦之陽虛。然金石體質雖重。必候火煨而成。佐以燥熱之藥。多致飛越之亢。况眩暈多有屬風屬火之證。用者宜致思焉。

○雜方

本事釣藤散。治肝厥頭暈。清頭白。

釣藤

陳皮

半夏

麥門冬

茯苓

茯苓

人參

甘菊花

防風

各半兩

甘草

一分

石膏

一分兩

右以咀每四錢薑七片煎

按前許學士所論近是則此方用藥其義未詳
謹按頭暈諸方用藥俱未切當直指香櫛飲之說
尤爲背理大抵外邪之感理宜解表但隨其風寒
暑濕以治痰涎內蓄者必當清痰爲先氣虛者宜
補氣如東垣之法血虛者宜補血如四物增損之
類若腎虛而氣不降者又當益陰而補腎若專執
前藥豈能中其肯綮耶

欬逆門

○叙欬逆爲病

內經云。歲金太過。欬逆。金鬱之發。欬逆。少陰二氣。欬逆。

按內經所言欬逆者止此。他書唯傷寒論欬逆。脈散者死。又金匱治欬逆。上氣諸方而已。似皆指肺金及火爲病也。活人書謂欬逆證爲極惡。仲景所不載。孫真人云。徧尋方論無此名。遂斷欬逆爲噦證。而靈樞云。噦者穀入于胃。胃氣上注於肺。故寒氣與新穀氣俱入于胃。新故相亂。真邪相攻。氣并

相逆復出于胃故爲噦。注云。噦氣作也。作偶敵也。保命集又以欬逆爲噫。噫氣者。胸中氣不交也。少陰經至胸中交於厥陰。水火相傳而有聲。靈樞云。噫者寒氣客于胃。厥逆從下上復出于胃。故爲噫。注云。噫象火烟隨焰出。心不受邪。故噫出之。愚謂二說各有其義。未知是否。而難知力辨朱氏之非。其論見後。

○論傷寒欬逆有寒有熱

活人書云。咳逆者。仲景所謂噦是也。胃寒所生。傷寒本虛。攻其熱必噦。又云。傷寒大吐下之極。虛復極。汗出者。因得噦。所以然者。胃中寒冷故也。橘皮乾姜湯。

羌活附子散。半夏生姜湯。退陰散。主之。不差者。灸乳
下必愈。然亦有陽證者。欬逆者。有潮熱。時時噦。小柴
胡湯。橘皮竹茹湯。又云傷寒噦而腹滿。視其前後何
部不利。利之愈。

按活人書。以欬逆爲噦。故今從而以仲景言噦者。
入于欬逆之門。縱使仲景言噦。非此證。而活人論
證用藥。則是欬逆而非嘔噦。大抵欬逆者。多由汗
下之後。胃虛而作。活人以虛作寒治。故用諸溫熱
之藥。然亦有虛而有熱者。有實而有熱者。所引橘
皮竹茹湯。未能詳盡也。

○欬逆分陰陽證

畧例云。陽證欬逆者。胃熱失下也。陰氣先絕。陽氣後
亦將竭。火獨炎上。逆出陰氣而爲欬逆。少陰渴逆者。
失下也。陰消將盡。陽逆上行。使陰不內也。爲之惡候。
或兼以舌攣。語言不正。而反昏冒。與咽痛者。少陰也。
速下之宜。大承氣湯。若陽極。脉微將盡者。不宜下。宜
瀉心湯。養陰退陽而已。宗膈芒硝。清肺亦可。陰證者。
內已伏陰。陰氣太甚。腎水擅權。肝氣不生。胃火已病。
丁火又消。所有遊行相火。寒邪迫而率集於胸中。亦
欲盡也。故令人發熱大渴。引飲。并去蓋覆。病人獨覺
熱也。他人按之。身體肌肉骨髓血脉皆寒。此火即無
根之火也。故用丁香乾薑之類。熱藥溫胃。其火自下。

欬逆乃止。非如陽證以涼膈瀉心湯以治陽證。自上而下。瀉退心火。陰氣乃生。且陰證欬逆從嘔噦而生。胃寒嘔噦不已。陽逆繼之也。

按欬逆本由陰氣已虛。陽火暴甚。直衝而上。出于胃入于肺而作聲。東垣用涼藥者。所以瀉熱降火也。若夫所謂陰證欬逆者。蓋以陰氣先消。陽火亦竭。浮於胸中亦欲散也。故不宜用寒。而反以溫藥養胃。留其陽氣。胃氣一和。陽生則陰長之說也。而此略例以陽證爲失下。用承氣瀉心二藥。分便秘便軟用之。則可矣。以陰證爲陰氣太甚。腎水擅權。寒邪迫火而上。愚謂腎陰若盛。則火自不妄動矣。

其所謂寒邪者。未審其指受外寒耶。內寒耶。還只是虛耶。姑俟明哲。

又按張子和云。火欲上行爲寒邪所遏。寒不勝火。故作聲。此則是上寒遏下熱。與外寒鬱內熱之義同。亦與前說不同。

○辯欬逆與嘔不同

難知云。夫欬逆證。活人斷爲嘔逆。其說似是而非。蓋嘔者乾嘔也。若有物直出則爲吐也。嘔物旋出則爲嘔也。嘔無物出則爲嘔也。欬逆者。或水漬於肺而心痞。或連續不已而氣逆。或喜笑過多而氣噎。或嚙飲而錯喉而氣搶。或急食乾物而氣塞。皆能作欬逆之

聲連續不絕。俗謂之吃忒。是也。大抵欬逆者。不順之義。吃忒者。差錯之義。二者皆氣不得下。爲火熱托之。而使上至咽喉中。噎而止也。人或以紙撚鼻嚏而止。或詐寃盜賊。因恐而止。或鼻熱聞食香。調氣而止。皆抑之。駭之。而使氣下也。千金以欬逆上氣者。爲病肺。脉散者死。是心火刑于肺金也。是以李氏稱易老云。欬逆者。火熱奔急上行。而肺金不內。何其當哉。故便秘者。大承氣湯下之。便軟者。瀉心湯主之。朱氏斷爲胃寒。并陽證二法。用藥治噦。雖勝。大抵其噦之意。止是氣逆上行。似欬逆耳。即非仲景所謂欬逆之本證也。蓋噦者。出聲也。噦出其氣。噦聲盡。然後吸。欬逆者。

入聲也。抑氣不出，逆聲盡，然後呼也。出入呼吸，其大不同。兼嘔噦者，本於胃；欬逆者，本於肺。何其難辨哉！

○欬逆噦分手足經標本辨

難知云：活人以欬逆爲噦，謂若可下之，宜調胃承氣湯。是邪氣在胃，故斷之爲噦。是則然矣。抑不思欬逆者，是足陽明失下，傳手太陰。活人但言其火之本，不言其火之標。炎上至極高之分，而欬逆也。合而觀之，噦與欬逆同一熱也。分而言之，噦爲本，爲膽；爲胃爲中。欬逆爲標，爲心。爲肺爲上。若標病應見，止當治標。不必名噦。若言作噦，使後人只見膽胃本，而不見心肺標也。此一說又足經甲戌而傳手經丁辛也。

按海藏論欬逆與噦二者不同。謂其聲有出入之異。臟腑有肺胃標本之殊。其說尤長。但欬逆與噦其氣皆自下而上。嘔噦則直出于口。欬逆則至咽膈。吃忒而中止。然後出也。實非有出入之異。

○論雜病咳逆皆由病後胃虛所生

三因云。欬逆之病。古人以爲噦耳。多因吐利之後。胃中虛寒。遂成此疾。亦有胃中虛。膈上熱。噦至八九聲。相連。收氣不回者。大抵傷寒久病後。老人虛人及婦人產後。多有此證者。皆病深之候也。亦有噦而心下痞悸者。有痰水所爲。別無惡候者是。

○論吃逆病由陰虛火上亦有暴病屬實者附

丹溪云。吃病者。氣逆也。氣自臍下直衝上出於口而作聲之名也。書曰。火炎上。內經曰。諸逆衝上皆屬於火。古方悉以胃弱言之。而不及火。且以丁香柿蒂竹茹陳皮等劑治之。未審孰爲降火。孰爲補虛。人之陰氣。依胃爲養。胃土傷損。則木來侮之矣。此土敗木賊也。陰爲火所乘。不得內守。木挾相火乘之。故直衝清道而上。言胃弱者。陰弱也。虛之甚也。病人見此似爲危證。然亦有實者。不可不知。趙立道年近五十。質弱而多怒。七月炎暑。大飢索飯。其家不能。惡具。因大怒。兩日後得滯下。病口渴。自以冷水調生蜜飲之。甚快。滯下亦漸緩。如此者五七日。召予視。脉稍大。不數。遂

令止蜜水。渴時且令以人參白朮煎湯調益元散與之。滯下亦漸收。七八日後覺倦甚。發吃。予知其因。下久而陰虛也。令其守前藥。然滯下尚未止。又以煉蜜飲之。如此者三日。吃尤未止。衆皆尤藥之未當。將以姜附飲之。予曰。補藥無速効。附子非補陰者。服之必死。衆曰。冷水飲多。得無寒乎。予曰。炎暑如此。陰涼非寒。勿多疑。待以日數。力到當自止。又四日而吃止。滯下亦安。又陳澤仁年近七十。厚味之人也。有久喘病。而作止不常。新秋患滯下。食大減。至五七日後。吃作。召予視脉。皆大豁。衆以爲難。予曰。形瘦者尚可爲。以人參白朮湯下大補丸以補血。至七日而安。此二人

者。虛之爲也。又一女子年踰笄。性躁味厚。暑月因大
怒而吃。作每作則舉身跳動。神昏不知。問之乃知暴
病。視其形氣俱實。遂以人參蘆湯飲一椀。大吐頑痰
數椀。大汗昏睡。一日而安。人參入手太陰。補陽中之
陰者也。蘆則反耳。大瀉手太陰之陽。女子暴怒氣上。
肝主怒。肺主氣。經曰怒則氣逆。氣因怒逆。肝脉乘火
侮肺。故吃大作而神昏。參蘆喜吐。痰盡氣降而火衰。
金氣復位。胃氣得和而解矣。

謹按欬逆一證。古方悉作胃寒所致。俱用丁香柿
蒂姜附等藥。然此證有虛有實。有火。不可專作寒
論。蓋傷寒發汗吐下之後。與滯下日久。及婦人產

後而有此者皆陰大虛之爲也。若平人食入大速而氣噎。或飲水喜笑。錯喉而氣搶。或因痰水停膈心下。或因暴怒氣逆痰厥。或傷寒熱病失下而有此者。則皆屬實也。夫水性潤下。火氣炎上。今其氣自下衝上而作聲。非火而何。大抵治法。虛則補之。補中瀆分寒熱。如因汗吐下。誤服寒涼。過劑當以溫而補之。如脾胃陰虛。火逆衝上。當以平而補之。挾熱者涼而補之。若夫實者。如傷寒失下。地道不通。因而欬逆。當以寒下之。如痰飲停蓄心下。或暴怒氣逆痰厥。此等必形氣俱實。別無惡候。皆當隨其邪之所在。而涌之。泄之。清之。利之也。世醫凡遇

此疾首以丁香柿蒂為言。殊不知此藥不能補虛，不能降火，不能清氣利痰。唯有溫暖助火而已。豈宜總治斯疾乎？

欬逆治法

○治熱之劑

活人橘皮竹茹湯治噦逆。嚴氏治吐利後胃虛膈熱而欬逆。

橘皮升一

竹茹升半

甘草二兩

人參兩半

棗子三箇

生薑兩半

右剉以水一斗煮服取三升去滓溫服一升日三服。

按此出太陰嘔噦例藥也。薑棗參橘亦是溫藥。故

三因云。此治胃中虛冷。但以此藥比之薑桂丁香。則性平。故從嚴氏入治熱之劑。

小柴胡湯。治陽證。效逆。方見寒門

難知大承氣湯。治效逆。大便秘者。

大黃酒浸去皮。治不大便。地道不通。酒上行。引大黃。

至巔而下。

枳實炒。治心下痞。按之良久。氣散痛緩。此并主。

心下滿。乃肝之氣盛也。

芒硝已上各半兩。治腹中轉而失氣。內有燥屎。味辛。

寒燥以潤之。芒硝味辛。以潤腎燥。今人不用。

辛字。只用鹹字。鹹能軟堅。

厚朴

姜製 一兩

治腹脇臑脹滿

右剉如麻豆大。水一盞。先煮厚朴枳實至一大盞。下

大黃。煮至六分。去滓。內硝。煎一二沸。溫利。下止。後服

瀉心湯。治欬逆。大便軟利者。方見心下痞門

○治寒之劑

半夏生薑湯。治噦欲死

半夏

洗一兩 一錢

生薑

二兩 切

右水二盞。煎八分。分作二服

橘皮乾薑湯。治噦

橘皮

通草

乾姜

桂心

甘草

炙各 二兩

人參

一兩

右剉。每服四錢。水煎。溫服。日三次

按以上二方並太陰嘔噦例藥也

三因丁香散治欬逆

丁香

柿蒂各一錢

甘草炙

良姜

各半錢

右為末。熱湯點二錢。乘熱服。不拘時。

嚴氏柿蒂湯治胸滿欬逆不止

柿蒂

丁香各兩一

右咳咀。每四錢。姜五片煎。家珍有人參一味。寶鑑

有青皮陳皮二味。並各等分。為末。水煎服。

按以上二方。並太陰陽明經藥也。

活人羌活附子散治欬逆。嚴氏治吐利後胃寒欬逆。

羌活

附子炮

茴香

微炒各半兩

木香

乾薑

各一棗許大

右細末每服一錢水一盞鹽一捻同煎熱服

三因方木香作丁香

按此太陽少陰太陰經藥也

本事方治陰毒欬逆

川烏頭

乾薑炮

附子炮

肉桂

芍藥

甘草炙

半夏

吳茱萸

陳皮

大黃

右等分爲細末每服一錢姜五片煎去濁渣取清

熱服

按此三陰經藥也

○補虛之劑

寶鑑灸甘草湯。治許伯威中氣本弱。偶病傷寒八九日。醫見其熱甚。以涼藥下之。又食梨三枚。痛傷脾胃。四肢冷。時發昏憤。其脈動而中止。有時自還。乃結脈也。心亦悸動。吃逆不絕。色變青黃。精神減少。目不欲開。踈卧惡人語。以此藥治之。

甘草灸

生薑

桂枝

人參

生地黄

阿膠

麥門冬

麻子仁

大棗

成無已云。補可以去弱。人參大棗之甘。以補不足之氣。桂枝生薑之辛。以去積寒。五臟痿弱。榮衛涸流。濕劑所以潤之。麻子仁麥門冬地黃之甘。潤經益血。復陽通心也。滋以入參桂枝。急扶正氣生

地黃補丸。此藥治虛弱。一服之後。精神減半。再服而安。

按此心肺藥也。

謹按。效逆諸方。古方唯有治寒之劑。至於補虛降火。養陰之藥。及治痰氣厥逆之法。皆未詳也。學者自宜隨證用之。

○灸法

嚴氏云。效逆治法。婦人膺乳頭向下盡處骨間是穴。丈夫及乳小者。以一指爲率。正男左女右。與乳相直。間陷中動脈處。是穴。艾炷如小豆許。灸三壯。

玉機微義卷之三十六

至機微義卷之三十七

心下痞滿門

○論痞爲濕土之病

內經云。備化之紀其病痞。又云。太陰所至爲積飲痞
膈。

按原病式云。痞與否同。不通泰也。謂精神榮衛血
氣津液。出入流行之紋理閉密而爲痞也。

○論傷寒心下痞

成無已云。傷寒心下滿者。不經下後。則有吐下之殊。
若下後。則有結胸痞氣之別。經曰。病人手足厥冷。脈
乍緊。邪結在胸中。心滿而煩。當吐之。又云。脈浮而大。

心下反硬。有熱屬臟者攻之。此二者不經汗下而心下滿。或吐之。或下之。隨其邪氣之高下。要在泄其邪也。又邪氣在表。未應下而強下之。邪氣乘虛結於心下。實者硬滿而痛為結胸。虛者滿而不痛為虛痞。蓋結胸是實邪。大陷胸湯主之。痞是虛邪。須諸瀉心湯散可也。

○論痞為痰飲及諸氣所致

詳見各門

○論傷寒雜病痞皆血證

秘藏云。內經曰。備化之紀。其病痞。又曰。太陰所至為積飲痞隔。太陰者濕土也。主壅塞。乃土來心下為痞滿也。傷寒下之太早亦為痞。乃因寒傷榮血。心主血。

邪入于本。故爲心下痞。仲景瀉心湯數方。皆用黃連。以瀉心下之土邪。至於酒積雜病下之太過。亦作痞滿。皆血證也。蓋下多則亡陰。亡陰者。即損脾胃。謂脾胃水穀之陰亡也。故胸中之氣。以其血虛而下陷于心之分。故致心下痞。上宜理脾胃。以血藥治之。若全用氣藥導之。則其痞益甚。而復下之。氣愈下降。必變爲中滿鼓脹。非其治也。又有虛實之殊。如實痞大便秘。厚朴枳實主之。虛痞大便秘。芍藥陳皮主之。飲食所傷而爲痞滿者。當用藥消導。其胃中空塞欲吐者。則宜吐之。

難知云。傷寒痞者。從血中來。從外之內。從無形。雜病

之類。瀉心湯者，非瀉心火之熱，瀉心下之痞也。通而論之，其藥陽多而陰少，蓋病發於陰而得之，有大黃黃連瀉心湯，獨爲陰。心下痞而脈疾，一證桂枝後用從太陽浮弱所變，餘皆陰陽雜用。

○論痞爲熱證

直格云：傷寒裏之陰分已受熱邪，是病發於陰也。或熱微，下證未全，誤下之早，則裏熱除去，表熱乘虛入裏而作痞也。故仲景攻痞多用大黃黃連黃芩寒藥，爾後或加附子乾姜之類者，是以辛熱佐其寒藥，欲令開發痞之怫熱結滯也，非攻寒耳。

按前保命集論瀉心湯，分陰陽寒熱多少而用藥。

可謂詳切矣。而此論則專主於熱。二者似乎不同。要之各有所當。蓋直格是言其受病之本。保命集是論其用藥之標。若以爲痞有陰寒之證耶。則仲景瀉心五方。何皆用黃芩黃連之藥。若以爲痞無陰陽之異耶。何瀉心湯又有兼用乾薑附子半夏生姜之類者也。一言其本。一論其標而已。

謹按痞之爲病。由陰伏陽蓄氣與血不運而成。處心下位中央。膜滿否塞皆土之病也。與脹滿有輕重之分。痞則內覺痞悶而外無脹急之形。脹滿則外亦有形也。前人所論皆指誤下而致之。蓋誤下則裏氣虛。故傷寒之表邪乘虛入於心下。雜病則

所受之邪氣亦蓄於心下。因致痞也。亦有不因誤下而得之。如中氣虛弱不能運化精微爲痞者。有飲食痰積不能施化爲痞者。有濕熱太甚土來心下爲痞者。故古方治痞用黃連黃芩枳實之苦以泄之。厚朴生姜半夏之辛以散之。人參白朮之甘苦溫以補之。茯苓澤瀉之淡以滲之。隨其病之所在以調之也。既痞同濕治。惟宜上下分消其氣。如果內實之證。庶可畧與疎導。世人苦於痞塞。喜行利藥。以求速效。暫時通快。痞若再作。益以滋甚。是皆不察夫所謂下多亡陰之意也。

心下痞滿治法

○治熱之劑

仲景大黃黃連瀉心湯。治心下痞。按之濡。其脈關上浮者。或寸沉關浮而有熱者。

大黃 二兩

黃連 一兩

右剉以麻沸湯二升漬之。須臾絞去滓。分溫再服。按此手少陰經藥也。出湯明例。成無已云。大黃黃連以導瀉心下之虛熱。以麻沸湯漬服者。取其氣薄而泄虛熱也。

又按活人云。伊尹湯液論。大黃黃連黃芩湯共三味。今監本無黃芩。脫落之也。又保命集無黃芩。却

加甘草 一兩

○散寒泄熱之劑

仲景附子瀉心湯治心下痞而復惡寒汗出脉沉遲也

大黃二兩

黃連

黃芩各一兩

附子

一枚炮去皮破別煮汁

右剉以麻沸湯二升漬之須臾絞去滓內附子汁

分溫再服

半芫瀉心湯治汗下後身寒痞滿而嘔食飲不下脈

微按之不痛非柴胡證

半芫

半升洗

黃芩

乾薑

人參各三兩

黃連一兩

大棗十二枚

甘草三兩

右七味以水一斗煮取六升去滓再煮取三升溫服一升日三服

生薑瀉心湯治汗下後胃中不利乾噫食臭自利腸鳴脇下有水氣而心下痞滿

此半夏瀉心湯加生薑四兩減乾薑作一兩

甘草瀉心湯治下之後腹中雷鳴心下痞硬再下之痞益甚此非結熱以胃中虛客氣上逆也

此半夏瀉心湯無人參加甘草作四兩

按以上諸瀉心湯元戎云手少陰藥也以其心下

痞故入陽明例况服梔子黃芩黃連黃栢大黃為

上下通經之劑安得不例陽明乎

秘藏大消痞丸治一切心下痞悶及積年久不愈者

黃連炒

黃芩各六錢

姜黃

白朮各一錢

炙甘草

砂仁

乾生姜

神麴炒各一錢

人參二錢

枳實炒五錢

橘皮二錢

澤瀉

厚朴炒各三錢

猪苓半錢

半夏四錢

右同為細末水浸蒸餅丸桐子大每五十九至百

丸白湯下

枳實消痞丸治右關脈浮弦心下虛痞惡食懶倦開

胃進食

枳實

黃連各五錢

乾生薑二錢

半夏三錢

厚朴製灸四兩

人參三錢

炙甘草二錢

白朮三錢

茯苓

大麥麩各二錢

右同為細末水浸蒸餅為丸每三五十九溫水下

按已上二方並半夏瀉心湯加減法也內有枳朮

湯四君子五苓平胃等利濕消痞補虛之藥也

○溫中散飲之劑

寶鑑枳實理中丸治中脘痞滯氣不宜通積寒停飲

食不化

人參

乾薑炮

白朮

枳實

甘草炙各一兩

右為細末煉蜜為丸如鷄子黃大每服一九細嚼

白滾湯下或沸湯化服活人有茯苓

深師消飲丸治停飲心下痞方見痰

按以上二方並出陽明飲痞例

○理氣之劑

活人桔梗枳殼湯治傷寒痞氣胸滿欲絕

桔梗 枳殼去穢炒各三兩

右剉水二盞煎至一盞去滓分作二服

按此手太陰經藥也出少陰枳殼例活人云審知

是痞先用湯尤妙綠枳桔行氣下膈先用之無不

驗也。海藏云：活人用此非治痞也。審知錯下必成痞。是氣將陷於胸中。故先用此使不至於痞也。若已成痞而用則失之晚。胸中之氣反痞矣。先之一字預早之意也。先用此若不應後當以仲景痞藥治之。若執此治痞其害深矣。

宣明檳榔散治傷寒陰證下後成痞滿而不痛按之軟虛。

檳榔

枳殼等分

右為末每服三錢煎黃連湯調下。

寶鑑三腕痞氣丸治三焦痞滯水飲停積脇下虛滿。

木香

白豆蔻

青皮炒

京三稜 炮各一兩

檳榔 兩半

半夏 湯洗七次

大腹子

陳皮 各二兩

砂仁

沉香 各半兩

右為末，麩糊為丸，桐子大，每服二十九，加至六十

丸，食後陳皮湯下

按此出太陰調氣例藥也

秘藏木香消痞丸，治因憂氣結中脘，腹皮厚，微痛心

下痞滿，不思飲食

木香 兩半

柴胡 四錢

橘皮 三錢

甘草 炙

半夏 各一兩

乾姜 兩半

當歸尾 二錢

紅花 半錢

右爲細末水浸蒸餅丸服之

○補虛之劑

加味補中益氣湯治內傷心下痞

方見內傷門

脈緩有痰而痞加半夏黃連

脈弦四肢滿悶便難而心下痞加柴胡黃連甘草

大便秘燥加黃連桃仁少加大黃歸身

心下痞夯悶者加白芍藥黃連

心下痞腹脹加五味子白芍砂仁如天寒少加乾

姜或中桂

心下痞中寒者加附子黃連

心下痞嘔逆者加黃連生薑陳皮如冬月加黃連

少入丁香、香薷、香葉

能食而心下痞加黃連半錢。枳實二錢。如不能食心下痞者勿加。止依方服之。

食已心下痞別服橘皮枳朮丸

按難知云中滿者勿食甘。不滿者當食之。如自覺滿而外無脹急之形。乃痞也。是不滿也。當以甘而撐住之。又太陽病下之腹滿時痛爲脾。桂枝加芍藥湯。滿木也。爲井所主。故用芍藥之酸克其滿。酸涼除滿。急收能除甘所主。甘溫生滿。緩散能除酸所主也。

謹按痞證有氣不運化及陰虛損血者。前論已詳

故收，入此補虛之劑，但世俗不明此理，往往例用峻快藥下之，復痞，或致危篤者多矣。

玉機微義卷之三十八

吐酸門

吞酸附

○論吐酸屬熱

內經云。諸嘔吐酸。皆屬於熱。又云。少陽之勝。嘔酸。原病式云。酸者。肝木之味也。由火勝制金。不能平木。則肝木自甚。故爲酸也。如飲食熱。則易於酸矣。是以肝熱則口酸也。或言爲寒者。但謂傷生硬冷物。而喜噫醋吞酸。故俗醫主於溫和脾胃。豈知人之傷於寒也。則爲病熱。蓋寒傷皮毛。則腠理閉密。陽氣怫鬱。而爲熱。故傷寒熱在表。以麻黃湯熱藥發散。使腠理開通。汗泄熱退而愈也。凡內傷冷物者。或即陰勝陽而

爲病寒或寒熱相搏而致腸胃陽氣悱鬱而爲熱亦有內傷冷物而反病熱得汗泄身涼而愈也或微而止爲中酸俗謂之醋心法宜溫藥散之亦猶解表之義若久喜酸不已則不宜溫之宜以寒藥下之後以涼藥調之結散熱去則氣和也所以中酸不宜食粘滑油膩者謂能令氣鬱不通暢也宜食糲食菜蔬能令氣通利也。

○論雜病吐酸與病機外邪不同

發明云。病機諸嘔吐酸皆屬於熱。此上焦受外來客邪也。胃氣不受外邪故嘔。仲景以生姜半夏治之。以雜病論之。嘔吐酸水者。甚則酸水浸其心。不任其苦。

其次則吐出酸水。今上下牙酸澀不能相對以大辛熱藥療之。必減吐酸水嘔出也。酸味者收氣也。西方肺金旺也。寒水乃金之子。子能令母實。故用大鹹熱之劑瀉其子。以辛熱爲之佐。而瀉肺之實。以病機作熱攻之誤矣。蓋雜病醋心濁氣不降。欲爲中滿寒藥豈能治之乎。

按吐酸原病式爲熱。而此作寒論治者。蓋東垣以內傷不足之病。未傳寒中濁氣不降。不宜用寒藥治療。乃指爲寒。却以素問病機之說。作外感客邪論。與諸腹脹大論分寒熱脹義相同。以下文丹溪之論觀之。其說方備。

○辨素問東垣論酸不同

丹溪云或曰吐酸素問明以爲熱東垣又言爲寒何也予曰吐酸與吞酸不同吐酸是吐出酸水如醋平時津液隨上升之氣鬱積而成鬱積之久濕中生熱故從火化遂作酸味非熱而何其有鬱積之久不能自湧而出伏於肺胃之間咯不得上咽不得下肌表得風寒則內熱愈鬱而酸味刺心肌表溫煖腠理開發或得香熱湯丸津液得行亦可暫解非寒而何素問言熱者言其本也東垣言寒者言其末也但東垣不言外得風寒而作收氣立說欲瀉肺金之實又謂寒藥不可治酸而用安胃湯加減二陳湯俱犯丁香

且無治濕熱鬱結之法。爲味合經意。予嘗治吞酸。用黃連、萊菔各炒。隨時令送。其佐使蒼朮、茯苓爲輔佐。湯浸炒餅爲小丸吞之。仍教以糲食蔬菜自養。則病易安。

謹按吐酸一證。以病機言之。則屬於熱。以臟腑論之。則脾胃受病。以內邪言之。則痰飲宿食之所爲。故治法熱者寒之。脾惡濕以苦燥之。有痰飲者清之。散之分利之。有宿食者消之。導之驅逐之。局方不察斯故。以噫醋吞酸。醋心吐酸水之證。並入於諸氣門中。率用溫熱之藥。豈吐酸專主於寒而無他證也。故此一門以叙河間東垣丹溪之論。其病

源治法無餘蘊矣

吐酸治法

○治寒溫胃之劑

發明藿香安胃散。治脾胃虛弱不進飲食嘔吐不待

腐熟

藿香

丁香

人參 各二錢半

陳皮 五錢

右為細末。每服二錢。水煎入生姜

按此手太陰足陽明太陰經藥也

加減二陳湯。治痰飲為患嘔吐頭眩心悸或因食生

冷脾胃不和

丁香 一兩

半夏

陳皮 各五兩

茯苓 三兩

甘草半一兩

右咬咀。每服四錢。水煎。入生薑三片煎服。

按此出太陰嘔噦例藥也。

三因麴朮丸。治中脘宿食留飲酸螯心痛。口吐清水。

神麴炒三兩

蒼朮溼浸三宿洗淨日乾炒一兩半

陳皮一兩

右為末。生薑汁別煮神麴糊為丸。姜湯送下。

按此足陽明。手足太陰經藥也。

謹按吐酸諸方。前人作寒治之藥甚多。茲不詳載。

至於治熱之藥。前人既以斯證為寒。所以絕無其

方也。若夫消痰去食解外寒治鬱熱之法。又當隨

證用焉

玉機微義卷之三十八終

玉機微義卷之三十九

痙門

○論痙病屬濕強直屬風

內經曰。諸痙項強。皆屬於濕。王注太陽傷濕。又云。諸暴強直。皆屬於風。王注陽內鬱而陰行於外。

按內經言痙肺腎太陽督脈。與夫六氣。皆能爲之。大抵專主於濕。故原病式云。諸痙強直。筋勁強直而不柔和也。土主安靜故也。陰痙曰柔痙。陽痙曰剛痙。亢則害承乃制。故濕過極。反兼風化制之。然兼化者。虛象實非風也。又云。諸暴強直。皆屬於風。謂筋勁強有力不柔和也。然燥金主於緊斂短縮。

勁急。風木爲病。反見燥金之化。由亢則害。承乃制也。又况風能勝濕而爲燥也。愚謂土性安靜。木性動搖。瘧病強直而安靜。故主於濕。風病強直而搐搦。故屬於風。况土氣之下。木氣乘之。故瘧之強直。有似於風。又木氣之下。金氣乘之。金之緊斂勁切。與土相近。故風之強直。有似於濕。二者有本化有虛象。不可不察也。

又按病機治瘧治風之法云。諸瘧項強。皆屬於濕。寒濕同性。水火同居。故足太陽屬水而位下。所以濕可傷也。其脉下項。故主項強。太陽表中風。加以濕客于經中。內挾寒濕。則筋脉抽急。故瘧項強而

不柔和。當詳有汗無汗。治以流濕祛風。緩發表而愈也。強直屬風。乃厥陰風木勢甚而成。千金以強直爲風。治以瀉火補金。木能自平矣。愚謂此言瘧病項強。以外感風寒濕氣者言之也。風病強直以風木自病者言也。

○論傷寒剛柔二瘧

仲景云。太陽病發熱無汗而反惡寒。名曰剛瘧。太陽病發熱汗出而不惡寒。名曰柔瘧。病身熱足寒。頸項強急惡寒。時頭熱面赤。獨頭動搖。卒口噤背反張者。瘧病也。若發其汗。寒濕相得其表益虛。即惡寒甚。

按活人云。太陽經先因傷風。又感寒濕而致然也。

古人謂之瘧。又作瘧。瘧者強直也。古人以強直爲瘧。外證與傷寒相似。但其脈沉遲弦細。而項背反張強硬。如發癇狀。爲異耳。察其有汗無汗。以分剛柔二瘧。無汗。葛根湯主之。有汗。桂枝加瓜蒌湯主之。剛瘧胸滿口噤。脚攣急。咬齒。當行大承氣湯。愚謂剛瘧柔瘧。並屬太陽。至於項強口噤一證。例太陽兼陽明也。因有陽明。故不宜發汗。而有用大承氣湯法者。難知云。傷寒瘧證五種。皆屬太陽。餘經不言。聖人之大意也。若頭低視下。手足牽引肘膝相構。陽明瘧也。若一目或左或右邪視。并一手一足搐搦者。少陽瘧也。汗之止之和之下之。各隨其

經可使必已。蓋謂此也。

○論致瘧病因

仲景云。太陽病發汗太多。因致瘧。○風病下之。則瘧。復發汗。必拘急。○瘡家雖身疼痛。不可發汗。汗出則瘧。

按此謂發汗下之。而致瘧。則不專於風寒濕之外。傳矣。是又因壞證而成也。發汗下之。太過。皆亡津液。損血之所由也。

○瘧病脉法

脉經云。大陽病發熱。脉沉而細者。名曰瘧。為難治。○夫瘧脉按之緊如弦。直上下行。○瘧家其脉伏。堅直。

上下○腹暴脹大爲欲解脉反伏弦者瘧○瘧病發其汗已其脉冷冷如蛇

按瘧證屬風寒濕所傷有汗者脉必浮緩無汗者脉必浮緊若其脉沉細者濕所傷也堅直上下行皆緊之象也發汗已如蛇亡津液而無胃氣之象也。

○論陰陽瘧

活人書云陰陽二瘧者陽瘧屬剛瘧陰瘧屬柔瘧以附子散桂心白朮湯附子防風散八物白朮散可選而用之

按仲景論剛柔二瘧並屬太陽活人論陰陽二瘧

既以陽痿屬剛痿。陰痿屬柔痿。而乃以朮附姜桂。諸熱藥治陰痿。則是以陰專爲寒治矣。恐非至當之論。姑伺明哲。其方茲不載。詳見本論。

○論風搐反張有風火之證

子和書云。呂君玉妻年三十。病風搐目眩。角弓反張。數日不食。諸醫皆作驚風暗風風癩治之。以南星雄黃烏附用之不効。戴人曰。諸風掉眩皆屬肝木。陽主動陰主靜。由火盛制金。不能平木。肝木茂而自病。先涌風痰二三升。次以寒劑下之。又以鉞針刺百會穴。出血二盃。立愈。

按風搐本與痿證不同。而痿證屬濕。土極必兼風。

木動搖之化。風搖屬木。木極必見金燥緊斂之形。要之亦可同論。故取此條以證痙病不專於風寒濕之外至。亦有風火熱之內作者也。

○論痙證屬內虛所致

三因方云。夫人之筋各隨經絡。結束於身。血氣內虛。外爲風寒濕熱之所中。則痙以風散氣。故有汗而不惡寒。曰柔痙。寒泣血。故無汗而惡寒。曰剛痙。原其所因。多由亡血筋無所營。故邪得以襲之。所以傷寒汗下過多。與夫病瘡人。及產後致斯疾者。緊可見矣。診其脈。皆沉伏弦緊。但陽緩陰急。則久久拘攣。陰緩陽急。則反張強直。二證各異。不可不別。

按傷寒言瘧專指外邪爲病。陳無擇發明血氣內虛一節。實與仲景所言汗下過多者相合。可謂善矣。惜乎用藥未能詳明也。又言陰緩陽急。則太陽瘧也。陽緩陰急。則陽明瘧也。

○論產後發瘧

郭稽中云。產後汗出多而變瘧者。由產後血虛。肉理不密。故多汗。因遇風邪搏之。則變瘧。宜灌小續命湯稍緩。即汗出如雨。手拭不及。不可治也。

按此既云產後。則血氣本虛矣。汗出既多。則衛氣亦虛。縱有風邪乘之。小續命用麻黃輩。其可服乎。况有虛象而實非風者哉。陳無擇雖嘗論其失。可

用大豆紫湯。大聖散亦未盡善也。

謹按傷寒瘧病。活人以太陽中風。又感寒濕而致。則專於外邪所傷。然仲景亦有汗下過多之戒。則又出於壞證所成矣。蓋外邪所傷者。通宜解散。仲景言剛柔活人分陰陽。難知論經絡等諸方。詳矣。至於治壞證補虛救失之法。諸方則亡也。又千金謂溫病熱入腎中亦為瘧。小兒病癘熱盛亦為瘧。若此治法。俱未之見也。况此二者之外。又有血氣本虛之人。如產後汗出多而變瘧者。或因七情怒氣而發瘧者。或因濕熱內盛痰涎壅遏經絡而作瘧者。治各不同也。大抵傷寒有外邪之可解。宜用

效如神 一方只以好酒調服

按此太陽厥陰經藥也。按本草荊芥能發汗破結氣下瘀血除風濕痺亦是攻邪之藥。若血氣果虛之人亦非所宜也。

○攻下之劑

金匱大承氣湯治瘕。為心胸滿口噤卧不著席脚攣急。必斷齒可與。見本方

按此陽明經藥也。陽明搖宗筋以風寒濕熱之邪入於胃津液不行宗筋無所養故急直用此湯下濕熱行津液宜明云瘕病目直口噤背強如弓卧搖動手足搐搦通宜三一承氣湯下之亦此意也。

然非察證之明的有內實熱者不可輕用

○去風養血之劑

難知防風當歸散治發汗過多發熱頭面搖卒口噤

背反張者宜去風養血

防風

當歸

川芎

地黄

各一兩

右剉每服一兩水煎服

謹按瘧證發汗過多與夫血氣內虛之人自當隨

證用藥古方於此等處多缺畧姑叙此方以見意

爾至於發散風寒行經之藥甚多及活人治陰瘧

諸溫藥難知分經絡用藥茲並不載用究本書

玉機微義卷之三十九終

風藥發散風寒。又風藥亦能勝濕耳。至於邪熱入腎。亦非風藥之所能療也。其內證作痊。本無外邪。前人豈可仍用風藥處治。惟宜補虛降火。較士平木。清痰去濕。隨證而用。不可不察也。

痊證治法

○解散之劑

金匱栝萎桂枝湯。治太陽病。其證備。身體強。几几然。脉反沉遲。此為痊。

栝萎根

甘草

炙各二兩

桂枝

芍藥

生姜

各三兩

大棗

十二枚

右六味。以水九升。煮取三升。分溫三服。取微汗。汗

18488
0
不出。食頃啜熱粥發之。

按此出太陽例藥也。

葛根湯。治太陽病無汗。而小便反少。氣上衝胸。口噤。

不得語。欲作剛痊。方見傷寒門

海藏神木湯。治剛痊。

加羌活

獨活

麻黃

白朮湯。治柔痊。

加桂心

黃芪

白朮

活人舉。鄉舉。敗散。治新產血虛痊者。汗後中風發搐亦然。

荆芥穗不以多少。微炒為末。大豆黃卷。以熱酒

六之。去黃卷取汁。調細末三五錢。和查飲之。其